

No. 960. 1435. 17. März.

Das Concil zu Basel spricht über eine grössere Anzahl benannter frevelhafter Beschädiger der Meissnischen Geistlichkeit und deren Güter den Bann aus, und bedroht Gemeinden und einzelne Personen, welche dieselben aufnehmen und schützen, mit strengen Strafen.

Sacrosancta generalis synodus Basiliensis in spiritu sancto legitime congregata universalem ecclesiam repraesentans venerabilibus Magdeburgensi et Pragensi archiepiscopis Misnensi Brandeburgensi et Wratislaviensi episcopis salutem et omnipotentis dei benedictionem. Ad reprimendas insolentias transgressorum et transgressiones insolentium refrenandas si nervus publicae disciplinae lentescit, eorum ad peccandum voluntas fit lapsior et exemplum impunitatis periculosius in alios derivatur. Sane licet divae memoriae Karolus III. Romanorum imperator pie considerans quorundam perversorum iniquitatem, a quorum oculis timor dei abcessit, statuisset et decrevisset, quod quicumque cuiuscumque status vel conditionis existeret ausu sacrilego et propriae temeritatis audacia sacerdotem vel clericum secularem aut religiosum diffidaret prosciberet captivaret spoliaret occideret mutilaret aut in carcere detineret, bona ecclesiastica invaderet incendiis et rapinis vel huiusmodi maleficia perpetrantes scienter receptaret seu eis favorem praestaret, praeter poenas a sacris canonibus et legibus sanctionibus in tales inflictas eo ipso redderetur infamis et omni honore privatus, nec ad placita vel consilia nobilium admitteretur quovismodo, prout in constitutione ab eodem Carolo imperatore in favorem cleri edita Carolina nuncupata et in generali concilio Constantiensi accepta plenius continetur; tamen ut lamentabilis querela cleri civitatis et diocesis Misnensis nostrum amaritavit auditum, quod Titze Panowicz, Gunther Lange, Hans Stargrad, Michil Menewicz, Mertin Sthilling, Wustehufe, Slesier, Hennyng, Hans Paneuicz, Henrich Gelnicz, Colman Clux, Cristofil Worsin, Hans Kokericz, Schona, Friczolt Vonzebin, Hannus Gerstorff, Hans Botil, Henrich Smellewicz, Dipprand Smither, Kothewicz, Seldinheim, Henrich Mutschin, Mattis Cluge, Balthasar Dobirschwicz, Alezman Czesshaw, Nigkil Grund, Paul won der Heyde, Johannes et Georgius de Heynerchstorff, Nicolaus de Bugko, Henricus de Bunow in Wesinstein, Johannes Bolbericz alias Bozicz, Michil Stegeling, Jacoff Wurpich, Nigkil Gerung, Schramme in Polow, Nigkil Crodil, Paul Clareman, Petir Kunczil in Schaneborin commorantes et Henrich, Hans won Torgow, Apez Kariis et quidam alii armigeri et laici cum eorum complicibus et Mattis Crodil laicus Misnensis diocesis ipsos querulantes, qui se actibus bellicis minime immiscuerant praefatisque et eorum complicibus iuri stare parati extiterant, prout sunt diffidarunt non absque iniectioe manuum violenta, quosdam presbyteros et clericos dictae diocesis pro suis et beneficiorum suorum negotiis prosequendis itinerantes successive capere detinere carceribus mancipare spoliare verberibus caedere et crudelibus afflictionibus ad redemptiones indebitas et absolutiones a sententiis excommunicationum in tales a iure latas et a delictis huiusmodi perpetratis impetrandas et pro eis obtinendas coercere, bona possessiones terras fructus redditus et proventus eorum invadere hostiliter